

La Quotidiana  
7007 Cura  
081/ 255 57 10  
www.laquotidiana.ch

Medienart: Print  
Medientyp: Tages- und Wochenpresse  
Auflage: 4'074  
Erscheinungsweise: 5x wöchentlich

Seite: 11  
Fläche: 68'181 mm<sup>2</sup>

Auftrag: 3011606  
Referenz: 75273764  
Themen-Nr.: 375.057  
Ausschnitt Seite: 1/2

# Inventar l'avegnir cun emprendistas ed emprendists

Hans Huber Stiftung e fundaziun FH Schweiz nomineschan l'Ems-Chemie

**■ (cp) L'Ems-Chemie promova consequentamain la nova generaziun professiunala. Perquai è l'interresa grischuna vegnida nominada ussa per il Premi da furmazion naziunal 2019 (Nationaler Bildungspreis 2019). La distincziun è dotada cun 20 000 francs e vegn surdada ils 12 da novembrer a Bienna.** «La furmazion professiunala è ina pitga fundamentala da l'Ems-Chemie», accentuescha *Magdalena Martullo*, la scheffa da l'Ems-Chemie. L'interresa sa movia en in ambient extremamain innovativ e seja dependenta d'ina giuvna generaziun professiunala «cun ina scolaziun da la meglra qualitad» per esser er en l'avegnir in pass davant la concurrenzza.

**Svegliar baud l'interess**  
Martullo suttastritga il sforz da l'innovaziun cun cifras impressiunantas: «Dus terzs da noss products èn pli giuvens che diesch onns.» Las ideas derivan savens da glieud ch'ha fatg l'emprendissadi en l'interresa. *Rainer Kirchhofer*, commember dal cussegl da la fundaziun FH Schweiz, punctuescha che las cumpetenzas en ils uscheinnumnads roms Mint (matematica, informatica, scienzas naturalas, tecnica) sajan ina premissa impurtanta per ideas novas: L'Ems-Chemie haja realisà quai e promovia gia baud l'interess per quests roms. *Markus Büchi*, manader dal personal tar l'Ems-Chemie, conferma: «Passa 400 uffants da la 3. fin 6avla classa primara frequentan

mintg'onn nossas purschidas dal pass da vacanzas ed ils champs Mint. Là pon els experimentar ed elavurar tocs e scuvrir tala moda la fascinaziun per las scienzas naturalas e la tecnica.» En pli seja vegnì avert avant traïs onns a Domat l'Emsorama – l'emprim center scientific en il chantun Grischun. Sco ulteriur project da pionier datti dapi quest onn l'Emsorama Mobil che va cun ils experiments Mint en las valladas grischunas periferas.

**Ina cumbattanta per la furmazion professiunala**  
Dapi il 2003 maina Martullo l'Ems-Chemie. En questa funcziun e sco cussegliera naziunala seja ella fatga valair sco ferma promotura da la furmazion professiunala duala, accentuescha *Christian Fiechter*, president da la Hans Huber Stiftung. «È quai adina sut aspects pratics e cun attenziun per ils basegns da persunas pli flaiylas.» El-la haja introduci en l'Ems-Chemie p. ex. er in program per persunas senza furmazion, tranter auter per fugitivs. Fiechter ha plaschair che Martullo prenda encunter personalmain il premi mardi, ils 12 da novembrer 2019 a las 18.15 en la Scola auta spezialisada per architectura, lain e construcziun a Bienna. Surdà vegn il premi dal cusseglier naziunal *Christian Wasserfallen*. Il president da la fundaziun FH Schweiz vegn er a far la laudatio.


**Per l'emprima giada**

**sin atgnas chommas**

Sco interresa en in chantun perifer sco il Grischun seja l'Ems-Chemie confruntada cun sfidas spezialas cura ch'i gaja per recrutar spezialistas e spezialists, suttastritga Fiechter. Ma dapi che l'Ems-Chemie haja scolà il 1943 l'emprim laborant da chemia en il rom d'in emprendissadi tutgia l'interresa er en il sectur da recrutaziun tar las precursuras. Anc betg avunda: Ella scoleschia mintg'onn radund 40 novs emprendists en 15 professiuns e contribueschia uschia al progress da l'entira regiun, lauda el. Ina contribuziun esenziala prestia l'Ems-Chemie en quest connex cun la direcziun dal center da curs «emax» a Domat ch'è avert era per auters manaschis. Qua absolvan ils emprendists da l'Ems-Chemie e dad outras interpresas la scolaziun da basa da las professiuns laborant da chemia, constructur d'implants e d'apparats, manader d'implants ed automaticher. Che la scolaziun tar l'Ems-Chemie seja multifara mussa tenor Büchi, manader dal personal, l'exempel d'ina labrantia futura: «Ella lavura durant ils traïs onns da l'emprendissadi en sis differents labors.» Quai seja in dals motivs che l'Ems-Chemie seja vegnida undrada dacurt era da l'organisaziun Great Place to Work sco manaschi d'emprendissadi certifitgà. Fitg popularas èn tar ils emprendists las pussai-vladads da far barats: Mintg'onn survegnan fin dudesch emprendists la schanza da lavurar per traïs mais en ina da las 26 filialas da l'Ems-Chemie a

La Quotidiana  
7007 Cura  
081/255 57 10  
[www.laquotidiana.ch](http://www.laquotidiana.ch)

Medienart: Print  
Medientyp: Tages- und Wochenpresse  
Auflage: 4'074  
Erscheinungsweise: 5x wöchentlich



Seite: 11  
Fläche: 68'181 mm<sup>2</sup>

Auftrag: 3011606  
Themen-Nr.: 375.057

Referenz: 75273764  
Ausschnitt Seite: 2/2

l'exterior – da la Brasilia fin en la China. «Per ils emprendists è quai ina chassun singulara da star per l'emprima giada sin atgnas chommas e d'emprender d'enconuscher in'autra cultura», declara Büchi e cumplettescha: «I po capitatar ch'els davantan là sezs ils 'instructurs' grazia a lur know-how.»

**Nagins cunfins**  
L'Ems-Chemie ha ina clera filosofia

quai che pertutga la furmaziun professiunala: «En il center stat la furmaziun da glieud da professiun qualifitgada bain en ils manaschis ed en las parti-zouns. Tgi che sa cumprova duai però era survegnir la schanza da surpigiliar rollas directivas e/u far la maturitat professiunala e pli tard forsa er il studi d'inschigner», declara *Conrad Gericke*, il manader dal svilup strategic dal per-sunal tar l'Ems-Chemie. Pertge che collavuratur cun bunas qualificaziuns

èn tschertgads sin tut ils stgalims. En il cader superior da l'Ems-Chemie lavu-ran gist plirs anteriurs emprendists. Quai mussa che la glieud da professi-un giuvna ha tut las pussaivlادات. Questa permeabilitad è tenor Kirch-hofer in ulteriur motiv per la nomina-zoun da l'Ems-Chemie per il Premi da furmaziun naziunal.

[www.nationalerbildungspreis.ch](http://www.nationalerbildungspreis.ch)



Emprendistas ed emprendists da l'Ems Chemie.

MAD